

EAJren hauteskunde proiektua ez dela «besteen aurkako» proiektua dio Ibarretxek

Bizkaiko afiliatuekin egin bileran, bere irizpideak azaldu zituen lehendakariak

Sabin Etxera bildu zituen atzo Ibarretxek EAJko kideak. Helburua, hauteskunde garaiko «portaerak» eta lehendakari den alde-
tik— bere ikuspegiaren non-
dik-norakoak azaltzea zuen.
Jeltzaleen programa gizarte
osorako integratzailea izate-
az batera hiritarren arazoak
konpontzeko egongo direla
adierazi zuen.

Iñigo Gago / Bilbo

JUAN JOSE IBARRETXE Eusko Jaurlaritzako lehendakariorde eta datozen autonomi hauteskundeetarako EAJko hautagaiak Bizkaiko afiliatuak bildu zituen atzo Sabin Etxean. Hurrengo hauteskundeetarako programaren ildo nagusien azalpena egiteaz gain, kanpainaurrean eta kanpaina «izan beharreko jokabidea» azaldu eta afiliatuekin «ideien txeko» egiteko helburua zuten.

«Lehendakari naizen alde-
tik», azaldu zuen, «bizi garen
herrialdeari buruz ditudan irizpi-
deak ezagutarazi nahi dizkiet
ez, hauteskunde giroan murgil-
du baino lehen «izan beharreko
portaeren azterketa» egitea zen
bigarren zeregina. Oso garrantzi-
tsutat jo zuen «ideia berriak»
aportatzea, «besteen pentsamol-
deak deskalkifikatuz ezin delako
eraiki». Ildo horretan aipatu zuen,
«oso zaila da gizartea ilusio-
naraztea elkar iraintzen aritzen
bagara». Aurrera jo ahal izateko
«ilusioa sortzea» beharrezko jo
zuen, ondoren, Ibarretxek.



Donostiako Udako Ikastaroen barruan, hitzaldi bat eskaini zuen atzo eguerdian Juan Jose Ibarretxek.

JUAN HERRERO / EFE

Hirugarrenik, erabiliko duten tresna izendatu zuen: «EAJ eta bere proiektua», alegia. Beste herritarren ideiekiko errespetuan oinarritu nahi dutela azpimarratuz, «guztion proiektua» egin nahi dutela adierazi zuen hautagai jeltzaleak, «besteen kontrako proiektu huts modura antolatu beharrean».

«EAJ osatzen duten gizon-emakumeak EAEko gizartearen-
tzako proiektu ilusionagarria» egiteko moduan daudela adieraziaz batera, euren etorkizuna egingo duten lanaren ondorioa izango dela azaldu egin zuen.

Hurrengo hauteskundeetan partidu politikoen herritarren arazoak konpontzeko egoten

behar dutelako ideia azpimarratuko dutela esan zuen jeltzaleen ordezkariak, «alderdiak ez daudelako arazoak sortzeko», eta «pertsonek arazoak pertsonek konpontzen dituztelako».

Bestalde, Miguel Angel Rodriguez Espainiako Gobernuko bozeramailearen dimisioak beraiekin zerikusirik ez daukala agertu zuen. «Madrilgo Gobernuari eragiten dion gaia da. Hortaz, euren artean konpondu beharko dute dagokien ordezkoa ipinita». Rodriguez joateak Euskal Herriko politikarentzat eragirik ez daukala iritzi zion.

Udako ikastaroetan Donostian •
EHU-UPVren Udako Ikastaro-

tan egindako deklarazioetan, «partidu politikoen Euskal Herrian bakea lortzeko ahaleginak bikoiztu» egin behar dituztela esan zuen Ibarretxek. Ermuko gertakarien urteurrenean, «honek honela ezin du jarraitu» esan zuen, eta bakea «guztion artean bilatu berrarrekoa» dela gehitu.

Politikariek «gizalege handiago» izan behar dutela esan zuen, «irainek jendea nekatzen dutelako eta klase politikoa gizartetik aldentzen duelako».

Botere publikoetan ezaugarri-
rik behinena «zentzudunak izan eta oreka mantendu» beharra dela azpimarratuz, deskalkifikazioekin ezin dela herri bat eraiki nabarmendu zuen.

Urriaren 25eko hauteskunde-
etako partidu politikoen emaitzak iragartzeko goiz iritzi zion hautagai jeltzaleak. X

Trebiñon
erreferenduma
egitearen aldeko
plataforma berria
sortu da Gasteizen

■ Arabako politika,
kultura eta kirol
munduko jendeak
babestu du

Efe / Gasteiz

TREBIÑOREN ALDEKO PLATAFORMA izenarekin jarri zen atzo abian, Gasteizen, Trebiño Araban sartzeari buruz Trebiñoko konderrian bertan erreferenduma egitearen aldeko beste plataforma bat.

Arabako zenbait politikari, kulturgile eta kirolariek izenpetu zuten atzo plataforma horrek sinadurak eskatuz Araba osoan banatu asmo duen manifestua. «Trebiñoko biztanleek auziari martxoaren 8an herri kontsulta eginez emandako erantzun demokratiko eta baketsuaren aurrean, Burgosko Diputazioak eta Gaztela eta Leongoak euren ateak itxi dizkiete entzungor eginez», salatu zuten plataformako kideek.

Trebiñoren Aldeko Plataformako kideen iritziz, Trebiñoko auziak trebiñarrei ez ezik Araba osoari eragiten dio, eta horregatik, «Arabako gizartea sentibilizatzea eta mobilizatzea» da euren helburu nagusia.

«Herritarren borondateari bizkarra ematea irizpide demokratiko oinarritzkoenen aurka doa», salatu zuten atzo. Hori dela eta, Trebiñon bertan sortutako UDA plataformarekin eta Burgos zein Miranda de Ebron sortu diren plataformekin bat egiteko asmoa dutela iragarri zuten.

Besteak beste, Jose Maria Gerenbarrean Arabako EAJko lehendakariak, Iñaki Olalde HBko Arabako prokuradoreak eta Micaela Portilla historialariak sinatu dute agiri hori. X

Lehergailuak eta anestesikoak topatu ditu bizkar-zorro batean Frantziako Poliziak

■ Haren jabeek, ustezko bi etakidek, bahiketa bat egin asmo zutela dio Fluxak

Agentziak / Paris-Madril

LANDETAN topatu zuen joan den asteazkenean Frantziako Poliziak bi kilo lehergaiz, muni-
zioz eta Uypnovel markako bi anestesiko botilatxo betetako bizkar-zorro bat, polizi iturriek berek jakinarazi dutenez. Beste iturri batzuek diote bi bizkar-zorro zirela, eta aipatutako materialaz gain ETaren propaganda eta lehergailuak nola erabili azaltzen zuen gida bat ere bazutela barruan.

Iturri horien arabera, Aturri ibaian arrantzan ari ziren bi gazte topatu zuten aipatu motxila hori, Mont-de-Marsandik 15 kilometroa.

Bizkar-zorroaren aurkikuntza joan den astelehenean Landetan bertan ustezko bi etakidek egin-

dako auto baten lapurretarekin lotzen du Frantziako Poliziak. Iturri horien arabera, bi lagun horiek istripua izan zuten matrikula faltua zeraman euren autoak orein bat jo zuenean. Haiei laguntza ematera hurbildutako senar-emazte batzuei lapurtu zieten Fiat Tipo markako autoa usteko bi etakide horiek —betiere aipatutako iturri polizial horien arabera—, eta autoa lapurtu ostean ihesari eman zioten. Bordelen aurkitu zuen gero auto hori Frantziako Poliziak, hutsik.

Poliziak uste du bi lagun horiek, ihes egitean, zubi batetik jaurtiki zutela bizkar-zorroa, eta horregatik topatu zutela arrantzan ari ziren bi gazteek Aturri ibaiaren ertzean.

Espainiako Segurtasunerako

Estatu idazkari Ricardo Marti Fluxak atzo adierazi zuenez, «aurkitu den material horren arabera ETak norbait bahitzeko asmoa zuela pentsa daiteke». Miguel Angel Blancoren heriotzaren urtemugan ETak norbait bahitu nahi ote duen itaundu ziotenean, zera erantzun zuen: «ETak ahal duenean eta zirrikitu bat topatzen duenean jotzen du. Estatuko Segurtasun indarrak eta Ertzaintza jakinaren gainean daude egunotan euren ernetasuna areagotzeko».

Estatuko Segurtasun indarretako zenbait iturrik aditzera eman dutenez, litekeena da bahiketa hori prestatzen zebilen ustezko etakide horietako bat 1994an Euskal Herritik ihes egin zuen Bizkaia komandoko kide bat izatea. X

Hernaniko Udala

IRAGARKIA

Alkate jaunak 1998ko ekainaren 30ean "SU-9/5 (Villas) Sektoreko Xehetasunezko Estudioaren Proiektua"ri onespina ematea erabaki zuen.

Ekainaren 30eko 17/94 Legeak, Etxebizitzaren arloko premia-
zko neurriak eta Hirigintza Plangintzarako zein kudeaketako tresnak izapidetzeko neurriak zehazteari buruzkoak, 6. artikuluan ezarritakoa betez, espedientearen jendaurreko ikusgai jartzen da, hamabost eguneko epean Obra eta Hirigintza saileko bulegoetan aztertu nahi duen edonoren eskueran gera dadin eta epe berean bidezko alegazioak egin daitezzen.

Hernani, 1998ko uztailak 7.
ALKATEA.

Hernaniko Udala

IRAGARKIA

Alkate jaunak 1998ko uztailaren 8an "SU-9/2 (Villas) Sektoreko Xehetasunezko Estudioaren Proiektua"ri onespina ematea erabaki zuen.

Ekainaren 30eko 17/94 Legeak, Etxebizitzaren arloko premia-
zko neurriak eta Hirigintza Plangintzarako zein kudeaketako tresnak izapidetzeko neurriak zehazteari buruzkoak, 6. artikuluan ezarritakoa betez, espedientearen jendaurreko ikusgai jartzen da, hamabost eguneko epean Obra eta Hirigintza saileko bulegoetan aztertu nahi duen edonoren eskueran gera dadin eta epe berean bidezko alegazioak egin daitezzen.

Hernani, 1998ko uztailak 8.
ALKATEA.